

# РУСКИ НОВИНИ

ЗА РУСИНОХ У КРАЛЪОВИНИ СХС

Виходза раз у тижню.  
—  
Цена на цали рок 100 Динари.  
На 1/2 рока 50 Динари.  
За Америку 4 долари на рок  
—  
Рукописи и други писма треба  
посилац на адресу:  
„РУСКИ НОВИНИ“ НОВИ САД  
Бојовићева улица број 2.  
—  
Претплату на РУСКЕ-НАРОДНЕ  
ПРОСВИТНЕ ДРУЖТВО, РУСКИ  
КРСТУР (Бачка).

Рок IV.

Нови Сад, штварток 23. јуни 1927.

Ч. 25 (132)

## Швето гробох

При краю того мешаца преслави ше у цалей нашеј держави националне и смутне швето Видовдан — памят погинулих борителюх за шлебоду на Косовим полю року 1389.

Хто патри на тото швето лем през окуляри партизанскеј политики, тот будзе видзиц у празновану того дня празноване едного чисто сербскогo собитя, котре за других нема нїякеј вредности. Медзитим томе не так. Швето „Видовдана“ ест швето шицких южних Славянох, воно наш национални празник. Не лем, же теди на 15 јуна 1389. мала Сербія страцела свою шлебоду, же теди вигинул квет народа сербскогo, але од теди отворени були Турком дзвери до шицких жемох и племенох славянских. Од теди ше рахую кирвави роки историі нашеј. Прето Видовдан ест швето гробох, дзен на котри ше кланяме цині юнакох умарлих за шлебоду свойого народа. А таких юнакох не лем було на Косовим полю. И шицки тоти цо свойо косци зохабали на високих Карпатох, на широких польох велькеј Русиі, на брегох Балкана и Алпох, шицки вони борителе за нашу шлебоду, шицки будователе нашого терашнього велького и шлебодного отечества, шицки вони заслужели нашу благодарност и памяток. На тот дзень спомніме ше их!

Спомніме ше ище и других наших заслужних люд-

зох, котри свойо сили ставели до служби свойого руского народу, а їх спомен уж збляднул, їх мено уж забуте. То су таки нашo народни просвтителе чи то були святици, чи учители, чи земледілци, котри народ наш просвищовали, воздзвиговали и препородзели. А кажди наш валал мал таких людзох.

Часи фришко преходза, а людзе ище фрише забуваю на человека, кого не видза медзи собу. Да однеме кельо тельо од забутя наших милих було би крашне, кед би ше на приклад у каждеј нашеј парохіі на теметову збудовала една мала Церквочка, а на мурах виставели на табличкох мермерних у златних слово мена шицких наших оцох и синох погинулих широм швета у войни, лебо наших заслужних людзох. Таке дацо могло би ше збудовац з малым трошком и кажди би на то дзечне офировал. Поспробуйме! Их память вец легчейше би славели каждего року на таким месце, и зачували би их у шерцох наших потомкох. — Але док то не будзе, голем на дзень „Видовдан“, швето гробох, подзме у духу на познати и неспознати гроби наших юнакох. Зос наших шерцох най ше дзвигне молитва до Вемогущого за нїх и за нас, да на их гробох вимодліме силу витирвалосци у борби за чесц Божю, добро народа и отечества.

П.

## У нашом отечеству

Политическе положеніе

По розписаних виберанкох розишли ше народни

посланици по народу на агитацию. В недзелю отримано вецей полит. зборох. Главна брига нешкайшей влади состої ше у тим, цо

пове главни Одбор радикалней партиі, у котрим Вукичевич нема прятельох. У тим главним одбору ест 15 празни места, котри треба пополниц. Бешедуе ше, же тоти места завежаю прятеле Узуновича (центрумаше) и пашичевци. Очекуе ше, чи Вукичевич будзе класц кандидатох у спору розуму зос главним радикалским одбором, чи на свою руку. Кед Вукичевич не будзе питац главни радикалски одбор, теди ше радикали подзеля и виступя вшадзи зос вецей нандидатох.

## Велька горучава

Прешли тидзень була у цалей жеми велька горучава. У Београду указовал термометер 34 гради, у Загребу 35, а Новим Саду 36 гради.

## Мадярска и немецка партија

Мадяре основали свою власну мадырску партию. Водьове Мадярох були при Министрови Вукичевичови и спорозумели ше, да на виберанкох виступую ведно зос радикалами, котри гу ньому тримаю. Так исто и Немци ведно пойду зос владу.

## Укушел го гад

Дзевет рочни хлапец Илько Тешич чувал крави и овци на полю при Мостару и там го укушел гад. Мали чувар на то нїч не дал, док му нога цалком не спухла. Кед пришол дому хлапец у вельких больох умар.

## Превожоване пчолох

У велїх крайох нашеј держави людзе тримаю пчолы и од того маю вельку хасен. Але за пчолы главно паша, и прето добри пчолар муши патриц вше о

тим, да пчолы маю добру пашу, особено квецце. Министерія допушцела, да ше пчолы могу превозовац з едного места на друге. Тото превозоване окончуе ше при хладнейшей хвилі и в ноци на железницях, з котрима путую и людзе.

## Предаваю буби по 45 дин.

У южней Сербіі до тераз тримали худобни людзе буби. Вельки бурі и дижджи вельо почкодзели дудовому лісцу, па и буби мушели загинуц. Котри остали предаваю ше по 45 динари.

## Молби за висельоване

Министерія обявлюе, же шицки молби за висельоване маю ше послац до велького жупана а не директно до министеріі як то до тераз було.

## Засиданіе Державного Одбору

Любопитно ше очекуе Засиданіе Державного Одбору, котри ма одредзиц, кельо посланикох ше будзе виберац на слідующих виберанкох. Кед ше вежне за основу попис жителюх зос 1920. року, теди би у Сербіі 10 посланикох меней були избрати, а кед остане попис жителюх зос 1920. року теди Сербія вибера 10 посланикох вецей гоч ма меней жителюх. До тераз ше вше виберало по попису од 1910. року.

## Криза у будовницуву

Обачело ше, же цени кварталюм за биване з дня на дзень опадуо, прето ше престало зос будованьом хижох у векших розмиріох. Будуо лем тоти, котри би сцели свой капитал уложиц,

Мало их ест котри будую пре рентабилносц и же би пожичели пенєж.

## Конгрес школярох у Сплиту

Дня 22—24 юла отрима ше у Сплиту конгрес католических школярох зос całej нашей держави.

## Хто чува албански интереси?

Даєдни новини принесли, же з нагоди прерватих наших одношеніох зос Алба-

нію, заштиту албанских интересох у Кральовини С. Х. С. превжал папски заступник у Београду. Медзитим то не правда. Зос тим би ше цело омражиц Ватикан и указац як и св. Столица помага талиянску пропаганду. Папов посланик у Београду не превжал ніяку заштиту. Познато, же и векшосц Албанских католикох против нешкайшей влади, а и недавно Ахмед бег Зогу дал задавиц єдного катол. священіка.

и жена ше може гоч и кажди дзень за другого „одавац“.

Не чудо, же ше у большевицким раю трафляю часто таки страшни случаї.

А на своїм конгресу (главним собранію) 16. новембра 1926. р. заключели большевики таку постанову: „Жена, цо любі-

своєю дзеци. то лем сука, са мица“!

Така большевицка наука с жени и фамелиї.

Такеї страшней погубеносци нет ані у найдзивших народох як у большевицким раю. И т длуго так витирвац не може.

Мих. Ф.—ак.

## ШИРОМ ШВЕТА

### Умишали ше стра- ни держави

До дипломатического конфликта медзи нашу державу и Албанию умишали ше страни держави Англія и Француска и сцу вимириц обидвох. Од Албанскеї влади захтеваю, да пуши интернираного нашого званічника Дюрашковича, а наша влада зац мала би поцагнуц оштри вираженя у своей ноти. Албански посланик у Београду Цена-бег мал би одпутовац до Албаниї и як обецує вон вировна и вимири тоти два сушедни держави.

### Одношенія медзи Русию и Польску

Руско-большевицка влада одредзела, да не посила нового заступника до Варшави на место забитого Войкова, бо гваря болшевици, Польска не дава доволно гаранциї за живот большевицких заступникох. Випатра зос того справованя руских власцодержителюх, же би сцели прервац звязу зос Польску, бо Польски суди за благо судзели атентаторови на Войкова.

### Сцекол крокодил

У варошкеї загради у Праги як украс находзи ше и єден крокодил метер и пол длуги. Обачело ше нараз, же тей барз опасней животинї нет, и же мушела сцекнуц. Вельки страх настал медзи жителями, бо думали, же крокодил вошел до даєдней рики. Медзитим вон

ше сам влапел, бо вошел до єдного малого ярчку, опрезнего вицагли и однесли заш до варошкеї загради.

### Непогода у Немецкеї

У послїдни часи була у Берлине велька непогода буря и ляд. Велї хижи прецерпели чкоди. Од грома настал оген, котри уничтожел вецей зданія

### Жива похована

У варошу Мариї Лазни мушели на розказ суда викопати жену дохтора Нагела, за котру ше бешедовало, же не умарла зос природну шмерцу. Кед вицагли труну и отворели видзели, же цело лажало превращене и песци були сцїснути. Дохторе виявели, же жена мушела буц жива похована пше у гробе пребудзела и вел у страшних муках умарла. — І нашо любдзе нігда не треба дше понагляю зос умартим.

### Бог неда шмих зос себе робиц

Француски новини „Да кроа“ приношю слїдующе правдиво риботиц, котре ше догодзело у Мехику: Безбожни мекхикански председател росказал повинишиц шицки лавки и застави зос церквох та их спалїц. У варошу Лос Ангелос єден безбожни офисир провадзел тот цалу роботу и тримал найбогегулнейшу бешеду на Церкву. Кед оген палел лавки и за-

## Жена и малженство у большевикох.

Добра, здрава фамелия то фундамент людского друштва, темель каждой держави. А здрава фамелия може буц лем теди, кед человек ма лем єдну жену, жена лем єдного человека, и кед ше вони не розтаваю до шмерци. Лем у таким малженству можю ше дзеци добре одховац. То християнска фамелия.

Большевики мержа християнску виру баржей як шицко (недармо векшину медзи німа маю жидзи) и робя шицко, лем да ю зотру. Зато вони сцу найперше уничтожиц християнску фамелию, же би ше дзеци не могли ховац у христ. духу, та же би ше так Христова наука забула.

Да то посцигню вони 1) забранели винчане у церкви 2) кнїжками, новинами, численни-ма преподаваняма ширя медзи старшима науку, же малженства не треба, але най будзе „шлєбодна любов“, и 3) то исто уча молодеж и дзеци по своїх школах.

Такой на кеди лем в єшенї 1917. року пришли у Русиї до влади,

преглашели вони, же малженство ма буц основане лем на „шлєбодней догварки“, а не на пришаги вирносци до гробу. Церковни винчани забранєли. Молодяти ше лем маю паявиц при большевицкому комесарови, же сцу ведно жиц и зос тим „винчане“ готове. Шведкох ніяких не треба. Так исто розвесц ше ище легчєше. Такой ютре може даєдно од нїх прийсц гу тому комесарови и повесц, же вецей не будзе зос своїм товаришом чи товаришину жиц и „малженство“ розвязане. Вецей рази жена а ні ніч незна о тим, лем нараз єї человека нет. Док ше дозна, цо зос нїм, а вон уж зос другу „повинчани“ ...

„Женїц ше и розводзиц ше“ може гоч и кажди дзень. Кед жени остане дзецко, ма вона право питац од оца дзецка, да го отримув. Але обично зос того ніч не видзе, бо таки оец лебо ніч нема, лебо уж ані сам не зна кельо ма дзеци и кельо ше раз „винчал“ лебо, цо найлегчєше не призна, же дзецко його, а доказац му не може, бо

## ФЕЛЬТОН

М. Федоренко.

### КОРПА.

Но, и вибрал ши себе красну ствар! Та аж о корпи будзеш приповедац? — гвари ми єден пайташ. Кому таке дацо глупе може присц на розум? Нікому другому лем тебе! — Так ми гварел! Верице, же ме с тим увредзел?

Гвари, же глупе о корпи бешедовац, бо ше то по керестурским язичу „кошар“ вола, а и ламачка же уж єдна давно прешла, а до другей єще барз длуго чекац, та превщас од тераз уж корпу понукац. Та добре, пайташ, гварим му я, ша я не думам почац корпу плесц, та ю предац, же би нашо людзе мали до чого ламац лебо

кромплї копац! Не бой ше! Не думам ци я виплесц корпу, же би мал твой слуга у чим шечку расправяц и конї з чого кармиц, то майсторска робота; до того ше я не мишам! Я лем приповедац сцем о ней, кед є уж одрутна. Теди вона найвецей сама о себе приповеда, кед єї хиби дно як старей баби зуби.

То баш тото найкрасше, же сцем баш о такеї и приповедац, у котрей прешлого лета єї газдинї наймладша квока уж пияте поколенє курчатох вишедзела. Приповедац будзем о корпи, котра купена пред петнац роками свой живот започала, а у чежкосцох го тей жими у огню страцела.

Було то якошик — рок чи два пред войну у єдним нашим валале. Була недзеля, други кулянски ва-

шар. Дзень бул красни, же аж мило було патриц преїг польох ровніни. Слунко клїпало з неба долу на жем. Випатрало, як кед би не могло патриц на злато, у котрим ше жито прелївало. Його класки ше гомбали у горучави як да ше сцели дакус росхладзиц. Над німа ше тресол воздух. Далеко, далеко, гет преганяла баба у горучави свойо козички. Жито було уж цалком узрете. Порвисла уж було полни чардаки и шопи. Шицко уж було готове за коситбу. Кому можебуц єще дацо хибело, тот пошол до Кули, та себе там купел.

Страшни там прах бул на тим вашаре. Дзвигал ше гу небу як дим зос огня и шедал на узноєни твари. Даши лем видзел тих людзох. Вашарци випатрали як коминяре, а кажди понаглял

— цо скорей, бо Куляне уж дзвонел на дзевец год зин першираз до служби

То збунєло єдну жену на єдним красним кочу при Високим мосце. Станула на коч и розпатрала. Але до раз зишла долу и пошла кус од коча з малим дзецком на рукох опрез шестри. Вона понагнала и кричала там на єдну свою пайташку зос дзивоцтва. Т лєдво сом ю нашла на цалим вашаре! — убил и буцко и корпу! Тераз по наглям цо скорей гу кочу бо и мала бизовно уж плаче гладна! Пайташка єще на ню цошкаль кричала але ю у лярми не мож було розумиц. Лем вона зню єще кричала отвит: Та нарихтам ше знаш тельо за ламачку, єще є далеко, як з коситбу. На ютре почнем кошиц, та сом купела тот корпу, же бим мала до чо

стави скричал: Кед ест Бог, най ше укаже и най ше тота церква звалі на мнє. Накеди окончел свою бешеду, зашедел коня и сцел пойсц. У тим моменту конь го зрудел зос себе, офисир вдерел зос главу до церковних мурах у остал на месце мертви. Бог наисце не дал зос себе шмих робиц.

## Приблїжую ше гу нам

Православни патріярх у Румунїи Мирон Христа пита допущєнє, да ше православни школяре можу припущиц до католических високих школах на науки. За восточну церкву би то було од велького хасну бо би ей служителе на тот способ упозняли праву церкву Христову и нашли найлегчейше драгу гу ней. —

# Зос наших валалох

## Дюрдьов

В суботу 18. юнія по Служби Божей окончєло ше пошвєченє основанія новей дзїяковнї. До фундаменту ше замуровала грамота о будованю истей. Робота фришко идзе напредок так, же зданіє уж до другей суботи будзе под крестом. Народ ше радує и цєши зос тоту роботу и шицки ше людзе дзєчне силую да обществу послужа и допоможе. Наздаваме ше, же до кирбаю дзїяковня будзе цалком готова а так исто и каплїчка на теметове, хтора ше того тижня починя будовац.

НАШО ШКОЛЯРЕ, хторих у нашим валале ест шумне число, врацели ше своїм домом на одпочивок. Шицки

го положиц свою малу док будзем одберац. — Пайташки нестало у вашаре. Праве ше зишли шєстри: Ганя зоз корпу, а Маря зоз малу ей. —

Та дзе ши так длуго? Бог це дал и жену, прєгвари Маря! На беса ци тоту корпу тєраз уж?

Помали! помали! Бер ю, а дай ми дзєцко. Купела сом ю, же би ми Пепка мала у чим шєдзиц, же би ю пестунка не цагала як мачка маче по сцєрню, док будзем одберац. Чкода би була, да ей купуєм гомбалку за роботи. Туньша корпа, а на ешень будзе такой ту. Тєраз сом за ню лєм форинт и двацєц пєйц дала, а на ешень знам, же будзе така една барем форинт двацєц — шейсц, кед не и седем!

У тим сцигли гу кочу. Док Ганя дойчела малу,

## Ступели до гр. кат. церкви

У послїдних мешацох обачує ше у Чєскей, же офисире, званичнїци и школовани людзе, котри до тєраз були познати безвирци, ступели до греко-католическей Церкви. Увидзели, же мир и задовольство шерца можє ше посцигнуц лєм у церкви католической.

## Од олтару до шмерци

У варошу Гванахуато мєхиканска влада дала заштрєлїц двох святиеникох, два пари млодяхох зос шведками прето бо ше винчанє одбуло у церкви ак то препиує катол. вира, а то у Мєхику забранєто.

добре прєшли та цєша своїм добрим владанєм и нас и своїх родичох. Каждей недзєлї шорово ходза до церкви. И приватисти крашне зложели свойо испити у чим идзе найвєкша заслуга нашого вредного п. учителя Еперта, хтори себе кажди рок тєльо труду дава, же його школяре вше найлєпше од шицких зложє егзамєнти, так же то и сами профєсоре муша кажди рок похвалїц. Нашим милим школяром и школярком жадаме веселї вакації и заслужени одпочивок.

## Р. Керестур

БОГОСЛУЖЕНЄ У КЕРЕСТУРСКЕЙ ВОДИЦИ.

На Ш. дзєнь Русадльох одслужєло ше того року як и вше з вельку торжєстє-

дотля Маря запрагла кобулу до коча. Покладли шицко до коча и поверх шицкого корпу горєбздом. Пошедали обидва. Маря влапєла до рук деплови и зацала кобулу лєм ше за нїма прах скурел.

\* \*

Добре каждому слугови познате, же аких ест необичайних газдох. Добре знаме шицки, же зме не шицки еднаки: едно благає, друге зле; едно вредне, друге заш подлє, треце чуварне, и штварте можебуц баш шицко иньше лєм не зна чувац цо ма. О тим ше ошведочєла и сама корпа, гоч є лєм од мертвого пруща.

Еще исти дзєнь, кед ю привєзла газдиня дому, на-трепала до ней тєльо багажїї, же ей аж уха пукали, кед ю ношєли до

носцу, при велькей учасци вирних, як домашних так и зос других наших валалох. Уж в пондзєлок Сш. св. Д. на 9 годзин рано пришла процесия з Дюрдьова у красним числу. Вони остали на Сл. Б., а вєц на 3 г. пополадню пошли до Водици. Як у парохїяльней Церкви рано так и по поладню у Водици дочекал просєцию з Дюрдьова домашни о. капелан и такой ше почала св. сповєдз. Людзе гарли ше до св. сповєдзи, але треба повєсц, же „жатва велїя, але дїлатєлєй мало“. Требалоби, да на тот дзєнь придушицки Русини зос Бачки и Сриму по возмозносци зос своїма паноцами. После 7 годзин пришла процесия коцурска у вельким числу (500 души), хтору так исто дочекал о. капелан и далєй предлужєл св. сповєдз до 9 годзин. Коло 8 годзин навечар захмарєло ше и спуцєл ше дїждж красни, обильни и падал до 10 г. Тот дїждж права благодать за кукурици, конопи и др. бо го уж барз було потребно. На други дзєнь на 4 г. рано пошол до Водици Всєч. о. парох Коцурски сповєдац, а на 7 годз. мал Сл. Божу з казаньом. — У парох. Церкви мал Сл. Б. о. капелан, а по Сл. Б. такой рушєла ше процесия предводзєна прє-

часним о. Абодичом, деканом и о. капєланом. У процесїї вжало учасц вєцєй як 2000 вирних. На  $\frac{3}{4}$  9 г. почала ше у Водици торжєстєвенна Служба Божє вонка пред церкву, котру служєл прєчасни домашни о. парох зос асїстєнцию о. парох Коцурского и домаш. о. капєлана. Наказовал о. парох Мудри о стараню не лєм за дочасни ствари, але баржєй за душу. Спашимє свойо думи, кед будзємє постояни у цєрпєню, зношеню своїх крижох, и кед нїгда до шмерци не прєстанємє ше бориц. Прєч. о. декан за то врємє сповєдал, а вєцка мал Службу Божу зос казаньом у Церкви. Наказовал о блажєньствох. — Народ жадно слухал Слово Божє и з нарочиту побожносцу участвовал у св. Сл. Божих. Народу було до 4 єзри душох. До св. Причасци приступєло на шицких Сл. Б. 300 души. По обходзє дооколо Церкви и по випровадзєню домашней процесїї, коцурскей и дюрдьовскей народ почал ше розходзиц, хтори пєшо, а хтори на коньох.

Так зме прєславєли Ш. дзєнь Русадльох у Керєстурскей Водици, виполнююци прїяток дани Г. Богу, йому на чєсц и славу. Прєнєпорочней Дїви Марїї а нам шицким на спасєнїє. Кап.

## Вшєлїячина

КАПУТИ РУСКЕЙ ЦАРИЦИ.

Драгоценни жимски капуты рускей царици котри ше чуваю

у музею у варошу Царское Сєло буду тих днєох на лицитациї прєдани.

приклєта. При тим ше ей обидва уха за цале пол шуха нацагли! Подумайце себе красну згодну корпу, котрєй ше нараз за таки фалат уха повєкшаю! Ша то цале страшидло, лєм правє же є не на брадлє!

Лєдво ю ошлєбодєли од терхи у приклєцє, такой заш до ней накладли слами; до слами ножи, видлїчки, ложки, паприги, солї осуту, хлєба, сланїни, ослу з ошєльнїком, млаток и бапку за клєпанє; на сам верх положєл слуга дужу фляшу з ягодачу... Прєношованю не було концє. Кед ю рано дзвигали на коч, прєрвали ей ухо....

Аж од тєраз нова корпа патєла! Шицки ше на ню гнївали: Та до дябла: гал ю слуга, кед мушєл у ней дацо ношиц! А цо думаєцє, цо ещє не робєл? Копал до ней, же ше прєйг

цалого двору валєла, а прущє ей пукало аж фалати лєтали!

Анї газдиня не мала шерца за нещєсну корпу з єдним ухом. Пирню (гар) до ней зос пєца вибєрала, а у пирнї и жирячки було. Ипак ю не поляла, да ей охладзи попечєне прущє, але ю и прєклїнала: Згорєла биш! Волєла сом тот пєнеж, цо сом го горко заробєла и за цє дала, рущиц до огня! — голєм бим ше тєльо не сєкирала. —

Шицко то слухала нещєслїва корпа. Прущє ей пукало и од жалю лєдво чєкала, да ю шпуря дагдзє до курнїка. Там би ей ипак лєпше було, гоч би и ошоха вєла и гоч би ше на ней квоки прє гнїзда били. Цали два роки давєла у себе таки и подобни жади, док ше ей зисцєли. —

(Далєй будзє)



## ПРЕДЛУЖУЄ ЖИВОТ

Еден чески лікар Др. Ружи-чек робел проби, же би мог предлужиц живот. За терас роби проби лем на мухох. котри жию 45 або 90 дні. Вон дума поспробовац свою мудросц и на людзох.

## КЕЛЬО НОВИНИ ЧИТАЮ НЕМЦИ?

Немецка пошта каждого дня приношує 6 милиони новинок своім предплатником. Ту не ураховани тоти, котри не предплацаю, але вше купя. Каждого року нотроша Немци за новински папер 150 милиони кили древа або 50.000 гектари леса. — На каждого предплатника пришли би 3 вельки щипаніци древа.

## ОБСТАВИНИ КИТАЙСКОГО РОБОТНИКА

Роботник у Китаю жиє и зарабя так як дараз жили и робели найгорши раби. Людзе ше сами запрагую до плуга и до коча, дзвигаю вельки терхи а заробляю на дзень ледво 5 динари. Их обисца збудовани з наду и обліпени зос благом. Кров и мури дзирави и нечисти. Едза лем рижкашу и боб. Европейци з німа поступую як зос гудобу. Китайци ище вше погане, але ше и християнска наука медзи німа шири и маю 6 своїх домашніх владикох, котрих св Отец сам прешлого року пошвецел. Християне вельо просвищенши.

## СЦЕЛ УМРЕЦУ БРАДЛЄ ШЕНА

Еден урядник у Галициї не могол достац место гоч звершел високу школу а найлєпшим квидоцтвом. А требало отримовац и фамилию. Зос роспуки надумал умрец од гладу. Видзел на полю брадло шена, легнул до ньго з тоту думу да умре. По 14 дньох нашили го полу мертвого.

## РОЗВИВАНЄ АВТОМОБИЛИЗМУ.

На цалим швецє рахує ше 27 и пол милиони автомобилех. З того, на Европу припада лем 3 и пол милиони. Найвещей автомобилех ма Америка, дзе на кажди 5 особи припада еден автомобил.

## ПОШТОВА КАРТА ПРИШЛА ПО 16 РОКОХ

На пошту до Селкирк у Канади пришла карта, котра придана на пошти у Винипегу (Канада) дня 16 априла 1911. Пані Гарпер винчовала вельку ноц својей приятельки Гріг а понеже ше пані Гріг виселєла зос Селкирку то карта за ню хо-

дзела 16 роки и кед ю не нашла врацела ше назад, але понеже и пані Гарпер жиє терас у Селкирку, то вї карта назад ше врацела гу ней. И нашо людзе най лем не страца надїй бо може ше им писмо врациц и по 16 рокох.

## ЯК ШЕ У АМЕРИКИ ЛЄГКО ЗАРОБИ ПЕНЄЖ?

Еден мали хлапец цо робел у фабрики Фордових автомобилех у Чикагу видзел розбити и одручени скла од автомобилех. Пошол до директора фабрики и купел их по 10 центи фалат. Мали хлапец пошол до фабрики скла и там предал фалат по 50 центи. При тим зарабял 40 центи. Тих дньох ше припознал, же зос свою таргвину заробел полних 42.000 долари.

## ЦЕРКВА ЗБУДОВАНА ЖЕМЛІКАМИ

У немецким варош Кистрин, котри числи 4000 требала вкша церква, але як найсц пенєж? Парохови пришла добра дума, же дараз у Кистрину бул заварт и церисл св. Клемент Дворжак, а вон у младосци бул пекар. Парох замодлєл шицких пекарох у немецкей най жертвую својому патронуви кажди дзень еден жемлік на будованє церкви. И так ше зявело тисячи пекарох, котри дзечне принєшу таку малу жертву на таку вельку цель.

## ЧЛОВЕК, ЗА КОТРОГО НЄТ ТАЙНИ.

Немец Лудвиг Кан може почтац кажде писмо гоч и в куверти заварте. Пред даскельо роками вон робел својо проби пред даедними француским министрами у Паризу. Кажди од нїх написал едно писмо, положел до куверти и запечацел. Поволали вєц Кана а вон кажде писмо вжал до рук, тримал кратки час и вєц од слова до слова вигуторел цо нука написано, а да писмо не отверал, Кан тримал свою представу за 5000 франки. И приобрил уж вельки маєток. Терас ше находити у южней Францускей и за едно указованє плаци ше по 25.000 франки.

## ТАРГОВСКИ ФИРМИ У АМЕРИКИ.

Найвекша тарговска америцка фирма числи 1657 филиялох а рочно таргує за 55 милиони долари. Друга заш 325 филияли и за 106 милиони тарговела. Шеснац найвекши фирми тарговали у прешлим року за 521 милиони долари. Чисти приход виношує 20 милиони долларох.

его, въ корабли съ Зеведеомъ отцемъ єю, завязующа мрежи своя, и воззва я. Она же абіє оставльша корабль и отца своего, по немъ идоста. И прохождаше свсю Галилею Исусъ, уча на сонмищахъ ихъ, и проповѣдая Евангеліє царствія, исцѣляя всякъ недугъ и всяку язю въ людехъ.

Христос вола Петра и Андрея брата його, да пойду за нїм т. й. да буду його ученици. „Она ше абіє оставльша мрежи, по нем идоста.“ Чому да ше баржей дивуєме: чи любви и приправносц, чи превелькей жертви и одреканю тих едноставних рибарох, а иншак вельких людзох пред Богом! Гоч не були богати, але ипак мали свое мрежи, свой алат, с хторим себе заслуговалу насушни хлєбик, мали свою хижочки, мали свою фамелийочку, мали своіх знанцох и приятельох, и то, ето, од разу зохабляю и иду за Христом. То вельке одреканє швета и його радосцох. Шлїдом их, гоч лем з далєка, мушине у одреканю пойсц и ми, кед сцеме буц божи людзе, Христово ученици. Без стримованя и одреканя нет спасеная.

Же є одреканє за надприродни живот человека потребне, то нам доказує сам природни живот.

Хто сцє на тим швецє дацо приобриц, кельо ше муши натрапиц, постримовац, прецериц, жертвовац вшелїяки сили души и цела, док до дачого дойдзе? Подумайме лем на едного землєдїлца, на едного майстра, ученика, кельо вони потраца ноци, кельо ше насилую з роботу, кельо церпя и жими и горучави и гладу и вшелїякого недостатку, лем да посцигну дацо за свой живот!!!

То исто вредєи за надприродни живот души. Кед сцє человек з Богом жиц и против струї швета исц. кед сцє стєчиц правдиви чесноти пред Богом, кед сцє осигурац свой живот за царство небесне, теди муши человек буц приправни на вшелїяке стримованє и одреканє дозволених и не дозволеных ужиткох того швета.

То ясно вирек и сам наш Г. Исус Христос: „Иже не примет креста своего, и во слїд мене грядет, нїст мене достоїн.“ „Иже любит сина или дщер паче мене, нїст мене достоїн.“ „Кая польза человеку, аще приобретет вес мир и ощетит душу свою?!

Цо Исус гуторел, то и сам творел. Вон през цали живот жил у едней жертви и одреканю од шицкей розкоши швета. Бул цали живот бидни, худобни, презрени, прегонени, а вон зато не страцел любов гу своім блїжнім, але их любел до конца, „Не моя воля, гуторел у Гетсиманїи, но най будзе, Оче, твоя воля!“

За Христовим прикладом пошли безчислени милиони, котри ше знали одрекнуц шицких земних радосцох лем да посциг-

ню живот вични. С тима мушине и ми тримац, як увидзиме далєй.

М. Мудри.

## Нашо претплатніци

За 1927. р. обновели свою предплату слїдуюци пп.: Михал Гарди, Торжа 50 д. Марко Шовш, Дюрдьов 50 дин. Митро Мудри, Миклушевци 100 дин. Дюра Гарди, билєжник Петровци 100 д. Штефан Сабов Коцур 100 д. Михал Кочиш, Андриєвци 100 д. Денчи Джуња, Раєво Село 50 д.

## БЕРЗА

Берлин 1 злата марка	13.46 д.
Будим. 1 пенги (pengő)	9.95 „
Италия 100 лира	260.— „
Букарест 100 лей	35.— „
Лондон 1 фунд. штер.	276.99 „
Нью-Йорк 1 долар	56.58 „
Париз 100 франки	224.70 „
Праг 100 Чес. кр.	269.— „
Акциї З. К. Б. Д. Д.	325 „
Швайцарска 1 франк	10.97 „
Виден 1 шилинг	8.— „
Наполендор 1 ком.	190.— „
20 златних корун	190.— „
10 „ „	95.— „
Сеферин	400.— „
Дукат	100.— „
1 круна у сребру	3.— „
5 „ „	15.— „
1 форинт „	6.— „
7% держав. позжичка за 100 динара ном.	86.— дин. 2½% ратна штета за 1000. дин. ном
	342.— дин.

За злато и за вредносни папире плацаю банки потполни курс, а за валути о даскельо повна менєй.

## Тарговина

Жито	307.50 Д
Кукурица	200.— „
Хмель	10—11.000 „
Мука нулерова	435.— „
„ хлєбова	400.— „
Млеко литра	3—4.— „
Качки	35—60.— „
Гуски клюкани кг.	65—90.— „
Говедзина	16—20.— „
Швиньске месо	20—22.— „
Целєчина	28—30.— „
Сланїна сушена	22—25.— „

## ЧИТАЙЦЕ

„РУСКИ НОВИНИ“

## Швєточни отпочивок

## Недзєля 2 по Сожєствїю

Еванг. гл. 4 зач. 9.

Во время оно, ходя Исусъ при мори Галилейстѣмъ видѣ два брата, Симона глаголемаго Петра, и Андрея брата его, вмєта-

юща мрежи въ море, бѣста бо рыбаля. И глагола има: грядита по мнѣ, и сотворю вы ловца человекѣкомъ. Она же абіє оставльша мрежи, по немъ идоста. И пришедъ отуду, видѣ ина два брата, Якова Зеведеєва, и Иоанна брата